



光緒壬午孟春子培以京缺一貫得  
於海王村文光樓書肆



傷寒舌鑑



自序

嘗讀仲景書止言舌白胎滑並無黃



異刺裂至金鏡錄始集三十六圖逮

後觀舌心法廣至一百三十有七何

後世證變之多若此寧知傷寒自表



傳裏舌胎必由白滑而變他色不似  
伏邪瘟疫等熱毒自內達外之一病  
便見黃黑諸胎也觀仲景論中一見  
舌白胎滑即言難治安有失治而致  
變者乎所以仲景止言白胎已見一

班不煩瑣屑後人無先聖治未病之  
能執不得不反覆辨論以啓蒙昧蓋  
邪氣入裏其虛實寒熱之機必現于  
舌非若脉法之隱而不顯也况陰盛  
格陽與邪熱鬱伏多有假證假脉惟



驗舌上胎色之滑燥厚薄昭若冰鑑  
無所遁形由是取觀舌心法正其錯  
誤削其繁蕪汰其無預于傷寒者而  
參入家大人治按所紀及已所親歷  
共得百二十圖命曰傷寒舌鑑授之  
劑刷以公同志臨證之一助云

康熙戊申如月誕先張登書于雋永

堂





傷寒舌鑑目錄

白胎舌 二十九圖

黃胎舌 一十七圖

黑胎舌 一十四圖

灰色舌 一十一圖

紅色舌 二十六圖

紫色舌 一十二圖

黴醬色胎舌 三圖

藍色胎紋舌 二圖





妊娠傷寒舌 六圖

目錄終

傷寒舌鑑

白胎舌總論

傷寒邪在皮毛。初則舌有白沫。次則白涎。白滑。再次  
 白屑。白疱。有舌中舌尖舌根之不同。是寒邪入經之  
 微甚也。舌乃心之苗。心屬南方火。當赤色。今反見白  
 色者。是火不能制金也。初則寒鬱皮膚。毛竅不得疏  
 通。熱氣不得外泄。故惡寒發熱。在太陽經。則頭痛身

長洲張登誕先彙纂

同邑邵之鵬三山較





傷寒論卷之五  
熱項背強。腰脊疼等證。傳至陽明經。則有白屑滿舌。雖證有煩躁。如脈浮緊者。猶當汗之。在少陽經者。則白胎白滑。用小柴胡湯和之。胃虛者。理中湯溫之。如白色少變黃者。大柴胡。大小承氣。分輕重下之。白舌亦有死證。不可忽視也。


微白滑胎舌



寒邪初入太陽。頭疼身熱惡寒。舌色微白。有津。香蘇散羌活湯之類發散之。



薄白滑胎舌



此太陽裏證舌也。二三日未曾汗。故邪入丹田漸深。急宜汗之。或太陽與少陽合病。有此舌者。柴胡桂枝湯主之。

厚白滑胎舌



病三四日。其邪只在太陽。故胎純白而厚。却不乾燥。其證頭疼發熱。脈浮而緊。解表自愈。



舌胎白厚乾

乾厚白

病四五日未經發汗。邪熱漸深。少有微渴。過飲生冷。停積胸中。營熱胃冷。故令發熱。煩躁。四肢逆冷。而胎白乾厚。滿口白屑。宜四逆散加乾薑。

舌心黃胎白

白黃白

此太陽經初傳陽明。府病舌也。若微黃而潤。宜再汗。待胎燥裏證具。則下之。若煩躁嘔吐。大柴胡湯加減。亦有下淡黃水沫。無稀糞者。大承氣下之。




乾白胎黑心舌



此陽明府兼太陽舌。其胎邊白中心乾黑者。因汗不徹。傳至陽明所致。必微汗出。不惡寒。脈沉者可下之。如二三日未曾汗。有此舌必死。


白胎黃邊舌



舌中見白胎。外有微黃者。必作泄。宜用解毒湯。惡寒者五苓散。



白滑胎尖灰刺舌



此陽明府兼少陽舌也。三四日自利脉長者生。弦數者死。如有宿食。用大承氣下之。十可全五。


白胎滿黑刺乾舌



白胎中生滿乾黑芒刺。乃少陽之裏證也。其證不惡寒反惡熱者。大柴胡加芒硝急下之。然亦危證也。




舌。心黑胎滑白



白胎中黑。為表邪入裏之候。大熱譫語。承氣等下之。倘食復而發熱。或利不止者難治。


舌。滑白邊半



白胎見於一邊。無論左右。皆屬半表半裏。並宜小柴胡湯。左加葛根。右加茯苓。有欬嗽引脇下痛。而見此舌。小青龍湯。夏月多汗自利。人參白虎湯。




舌。滑。白。結。藏。



或左或右。半邊白胎。半邊或黑或老黃者。寒邪結在藏也。黃連湯加附子。結在咽者。不能語言。宜生脉散。合四逆湯。可救十中一二。


舌。斑。黑。胎。白。



白胎中有黑小斑點。亂生者。乃水來尅火。如無惡候。以涼膈散承氣湯下之。十中可救一二。




白胎燥裂活



傷寒胸中有寒。丹田  
有熱。所以舌上白胎。  
因過汗傷營。舌上無  
津。所以燥裂。內無實  
熱。故不黃黑。宜小柴  
胡。加芒硝微利之。


白胎黑根舌



舌胎白而根黑。火被  
水尅之象。雖下亦難  
見功也。




白尖黃根舌



邪雖入裏而尖白未黃不可用承氣宜大柴胡湯加減下後無他證安臥神清可生倘再有變證多凶


白胎雙黃舌



此陽明裏證舌也黃乃土之色因邪熱上攻致令舌有雙黃如脈長惡熱轉失氣煩躁者大柴胡調胃承氣下之




白胎雙黑舌



白胎中見黑，色兩條，乃太陽少陽之邪入於胃，因土氣衰絕，故手足厥冷，胸中結痛也。理中湯瀉心湯選用。如邪結在舌根，咽噎而不能言者，死證也。

白胎雙灰舌



此夾冷食舌也。七八日後見此舌而有津者可治。理中四逆選用。無津者不治。如乾厚見裏證則下之。得湯次日灰色去者安。




舌。紅。尖。胎。白



滿舌白滑而尖却鮮紅者乃熱邪內盛而復感客寒入少陽經也。小柴胡湯加減。


舌。根。黑。紅。中。尖。白



舌尖白而根灰黑少陽邪熱傳府。熱極而傷冷飲也。如水停津液固結而渴者。五苓散。自汗而渴者。白虎湯。下利而渴者。解毒湯。如黑根多。白尖少。中不甚紅者難治。



白胎中紅舌



此太陽初傳經之舌也。無汗者發汗。有汗者解肌。亦有少陽經者。小柴胡湯加減。

白胎變黃舌



少陽證罷。初見陽明裏證。故胎變黃色。兼失氣者。大柴胡湯下之。




舌根紅尖白



舌尖胎白。邪在半表  
 半裏也。其證寒熱耳  
 聾。口苦脇痛脉弦。小  
 柴胡湯和解之。


舌黃根灰尖胎白



此太陽濕熱併於陽  
 明也。如根黃色潤。目  
 黃小便黃者。茵陳蒿  
 湯加減。



白胎尖根俱黑舌



舌根尖俱黑。而中白  
 乃金水太過。火土氣  
 絕於內。雖無凶證亦  
 必死也。

熟白舌

純熟白

白胎老極如煑熟相  
 似者。心氣絕而肺色  
 乘於上也。始因食瓜  
 果冰水等物。陽氣不  
 得發越所致。為必死  
 候。用枳實理中間有  
 生者。



淡白透明舌

透明

年老胃弱，雖有風寒，不能變熱，或多服湯藥，傷其胃氣，所以淡白透明，似胎非胎也。宜補中益氣，加減治之。

白胎如積粉舌

胎如積粉

此舌乃瘟疫初犯募原也。達原飲見三陽表證，隨經加柴胡葛根羌活。見裏證加大黃。




黃胎舌總論。

黃胎者。裏證也。傷寒初病無此舌。傳至少陽經亦無此舌。直至陽明府實。胃中火盛。火乘土位。故有此胎。當分輕重瀉之。初則微黃。次則深黃。有滑。甚則乾黃。焦黃也。其證有大熱大渴。便秘譫語。痞結自利。或因失汗發黃。或畜血如狂。皆溼熱太盛。小便不利所致。若目白如金。身黃如橘。宜茵陳蒿湯。五苓散。梔子檉皮湯等。如畜血在上焦。犀角地黃湯。中焦桃仁承氣湯。下焦代抵當湯。凡血證見血則愈。切不可與冷水。



飲之必死。大抵舌黃證雖重。若脉長者。中土有氣也。下之則安。如脉弦下利。舌胎黃中有黑色者。皆危證也。

純黃微乾舌



舌見黃胎。胃熱之極。土色見於舌端也。急宜調胃承氣下之。遲則恐黃老變黑。為惡候耳。



音。胎。黃。微

微黃

舌微黃而不甚燥者。表邪失汗而初傳裏也。用大柴胡湯。若身目俱黃者。茵陳蒿湯。

舌。乾。黃

乾黃

舌見乾黃。裏熱已極。急下勿緩。下後脉靜身涼者生。反大熱而喘。脉躁者死。




黃胎黑滑舌



舌黃而有黑滑者。陽明裏證具也。雖不乾燥。亦當下之。下後身涼。脈靜者生。大熱脈躁者死。

黃胎黑斑舌




黃胎中亂生黑斑者。其證必大渴。讞語。身無斑者。大承氣下之。如脈瀯讞語。循衣摸床。身黃斑黑者。俱不治。下出稀黑糞者死。



黃胎中黑通舌尖

黃 黑 黃



黃胎從中至尖通黑者。乃火土燥而熱毒最深也。兩感傷寒必死。惡寒甚者亦死。如不惡寒。口燥咽乾而不利臭水者。可用調胃承氣湯下之。十中可救四五。口乾齒燥形脫者不治。

老黃隔辦舌


黃



舌黃乾澀而有隔辦者。乃邪熱入胃。毒結已深。煩躁而渴者。大承氣湯。發黃者。茵陳蒿湯。少腹痛者。有瘀血也。抵當湯。結胸大陷胸湯。



黃 尖 舌



舌尖胎黃。熱邪初傳胃府也。當用調胃承氣湯。如脈浮惡寒。表證未盡。大柴胡兩解之。


黃 胎 灰 根 舌



舌根灰色而尖黃。雖比黑根少輕。如再過一二日亦黑也。難治。無煩躁直視。脈沉而有力者。大柴胡加減治之。



舌根紅尖黃



根紅而尖黃者。乃濕熱乘火位也。瘟熱初病。多有此舌。涼膈解毒等藥。消息治之。


舌根黑尖黃



舌黑根多而黃尖少者。雖無惡證惡脈。誠恐暴變一時。以胃氣竭絕故耳。



黃胎黑刺舌



舌胎老黃極而中有黑刺者皆由失汗所致邪毒內陷已深急用調胃承氣下之十中可保一二


黃大脹滿舌



舌黃而脹大者乃陽明胃經溼熱也證必身黃便秘煩躁茵陳蒿湯如大便自利而發黃者五苓散加茵陳梔子黃連等治之




舌根白尖黃



舌根白尖黃其色倒見。必是少陽經傳陽明府病。若陽明證多者。大柴胡湯。少陽證多者。小柴胡湯。如讖語煩躁者。調胃承氣湯。

舌尖白根黃



舌尖白根黃乃表邪少而裏邪多也。天水散涼膈散合用。如陽明無汗小便不利心中懊懣者必發黃茵陳蒿湯。



舌。尖。灰。根。黃。

黃  
赤  
灰

舌乃火位。今見根黃  
尖灰。是土來侮火也。  
不吐不利。心煩而渴  
者。乃胃中有鬱熱也。  
調胃承氣加黃連。

舌。縮。短。尖。白。根。黃。

黃  
赤  
白

舌見根黃尖白而短  
硬。不燥不滑。但不能  
伸出。證多讖妄煩亂。  
此痰挾宿食。占據中  
宮也。大承氣加薑半  
主之。



黑胎舌總論

傷寒五七日。舌見黑胎。最爲危候。表證皆無此舌。如兩感一二日間見之必死。若白胎上漸漸中心黑者。是傷寒邪熱傳裏之候。紅舌上漸漸黑者。乃瘟疫傳變。壞證將至也。蓋舌色本赤。今見黑者。乃水來尅火。水極似火。火過炭黑之理。然有純黑。有黑暈。有刺。有隔瓣。有瓣底紅。瓣底黑者。大抵尖黑猶輕。根黑最重。如全黑者。總神丹亦難救療也。



純 黑 舌。

黑

遍舌黑胎是火極似  
水藏氣已絕脉必代  
結一二日中必死切  
勿用藥




黑胎辦底紅舌



黃胎久而變黑。實熱  
亢極之候。又未經服  
藥。肆意飲食。而見脉  
伏。目閉口開。獨語譫  
妄。醫遇此證。必掘開  
舌胎。視辦底紅者。可  
用大承氣下之。


黑胎辦底黑舌



凡見辦底黑者。不可  
用藥。雖無惡候。脉亦  
暴絕。必死不治。




滿黑刺底紅舌



滿舌黑胎乾燥而生  
大刺揉之觸手而響  
掘開刺底紅色者心  
神尚在雖火過極下  
之可生有肥盛多溼  
熱人感冒發熱痞脹  
悶亂一見此舌急用  
大陷胸丸攻下後與  
小陷胸湯調理


刺底黑舌



刺底黑者言刮去芒  
刺底下肉色俱黑也  
凡見此舌不必辨其  
何經何脉雖無惡候  
必死勿治




舌。嚙。自。爛。黑



舌黑爛而頻欲嚙。必爛至根而死。雖無惡候怪脉。切勿用藥。

舌。胎。滑。白。邊。黑。中



舌見中黑邊白而滑。表裏俱虛寒也。脉必微弱。證必畏寒。附子理中湯溫之。夏月過食生冷而見此舌。則宜大順冷香選用。




紅邊中黑滑舌



舌黑有津。證見讞語者。必表證時不曾服藥。不戒飲食。冷物結滯於胃也。虛人黃龍湯。或枳實理中加大黃。壯實者用備急丸。熱下之。夏月中暍。多有此舌。以人參白虎湯主之。


通尖黑乾白邊舌



兩感一二日間。便見中黑邊白厚胎者。雖用大羌活湯。恐無濟矣。



黑邊暈內微紅舌



舌邊圍黑中有紅暈者。乃邪熱入於心胞之候。故有此色。宜涼膈合大承氣下之。

中焙舌

黑燥厚胎

舌胎中心黑厚而乾。為熱盛津枯之候。急宜生脉散。合黃連解毒湯以解之。



舌燥乾胎無黑中

黑

舌黑無胎而燥。津液受傷而虛火用事也。急宜生脉散合附子理中主之。


舌瘦枯胎無中黑

黑

傷寒八九日。過汗津枯血燥。舌無胎而黑。瘦大便五六日不行。腹不硬滿。神昏不得臥。或時呢喃歎息者。炙甘草湯。



舌短乾黑



舌至乾黑而短。厥陰  
 熱極已深。或食填中  
 腕腹脹所致。急用大  
 劑大承氣下之。可救  
 十中一二。服後糞黃  
 熱退則生。糞黑熱不  
 止者死。



